

բանիւք անտրգեցին զնա, փոխանակ այնքան բարեացն :
Եւ նորա վիրաւորեալ սրտիւ եւ եւ դնաց 'ի Ղալաթիա,
զփոխարէնն այսչափ երախտեաց մերոց, այսպիսի բանիւք
վճարեցին ասէ :

Գրիգոր Պատրիարք կարի նեղեալ յերեսաց այլազգեաց
սակս շինութեանց և նորոգութեանց վանօրէից յերուսա-
ղէմ, և զի մի գնոյն դառնութիւն կրեսցէ 'ի դարձին իւ-
րում, խնդրեաց 'ի Սուլթան Օսման արքայէ՝ և էառ հրո-
վարտակ վասն այնոցիկ, զի մի հակառակեսցին այլազգիք :
Էառ նաեւ հրովարտակ վասն նորոգութեան . Ս . Յովհան-
նէս եկեղեցւոյն 'ի գաւթի տաճարին Ս . Յարութեան, և
դարձ արարեալ անտի, մատոյց զայն առ դատաւորն, եւ
եւ ինքն անձամբ 'ի քննութիւն տեղւոյն և 'ի գիր արձա-
նացոյց զամենայն տեղիսն, և պատուիրեաց չառնել աւելի
զիրս ինչ, որպէս խտտագոյնս պատուիրէր Արքայ 'ի հրո-
վարտակին, չանցանել երբէք զչափն առաջին և չզարդա-
րել, և եթէ ոք համարձակեսցի, եւ կամ հրաման տացէ՝
կրեսցէ պատիժ ըստ արժանեաց, նմին իրի կարի զգուշա-
նային դատաւորք, իսկ Գրիգոր նորոգեաց զեկեղեցին, և
դարձոյց զմեծ կամարն արտաքին, կրեալ նեղութիւնս ոչ
սակաւ, \ օ՛ջ \ (1631) : Յաւուրց անտի Մարտիրոս Եպիս-
կոպոսի՝ որ էառ զվերնատունն 'ի տաճարին Ս . Յարու-
թեան : Յետ կորուսանելոյ զԳողգոթայն, եւ սահմանեաց
զայն եկեղեցի Հայոց . կայր մնայր այնպէս յանձկութեան
և անբաւական ժողովրդոց եւ ուխտաւորաց . իսկ Գրիգոր
Պարոն Տէր կամելով ընդարձակել զայն՝ էած 'ի քննութիւն
զբաւաւորն և զայլազգիս քաղաքին, և եցոյց զընդարձա-
կութիւն տեղւոյն լատինաց՝ և զանձկութիւն իւրոցն . և
ըստ հրամանի դատաւորին՝ լատինք հաճեցան զառաջինն
տալ Հայոց զերիս կամարս 'ի դիւրութիւն ժողովրդոց,
այլ յետոյ ժխտեալ զբանս իւրեանց չողան առ դատաւորն՝
և յայտ արարին անդ թէ՝ չէ հնար առանց հրամանի թա-
գաւորացն Եւրոպիոյ տալ մատնաչափ տեղի այլոց, ուս-
տի ոչ կարեմք տալ զկամարսն :

Տեսեալ Գրիգորի թէ ոչ կացին նոքա 'ի խոստման իւ-
րեանց՝ կալաւ զայլ իմն ճանապարհ իրաւախոհութեան, ետ
նոցա զՊարտէզ կոչեցեալ տեղին առաջի դրան եկեղեցւոյ